

ՀԽՍՀ ԲԱՆՎՈՐ ԴԱՍԱԿԱՐԳԻ ՆՅՈՒԹԱԿԱՆ ԿԱՑՈՒԹՅՈՒՆԸ

(1940—1960)

Հ. Մ. ՀԱՐՈՒԹՅՈՒՆՅԱՆ

Ժողովրդի նյութական բարեկեցության մակարդակի սիստեմատիկ բարձրացումը, նրա ամենօրյա հարաճուն կարիքների բավարարումը սոցիալիստական հասարակարգի բնորոշ գիծն է։ Միայն սոցիալիզմը, — նշել է Վ. Ի. Լենինը, — հնարավորություն կտա... բոլոր աշխատավորների կյանքը դարձնել առավել հեշտ և նրանց բարեկեցության հնարավորություն ընձեռող¹։ Խորհրդային մարդկանց կենսամակարդակի բարձրացման խնդիրը միշտ եղել և մնում է կոմունիստական կուսակցության ու Խորհրդային պետության սոցիալական քաղաքականության գլխավոր իմաստն ու նպատակը։ Ինչպես ասված է ԽՍՀՄ XXVII համագումարի նյութերում, «Կուսակցության ուղադրության կենտրոնում միշտ եղել են սոցիալական քաղաքականության հարցերը, մարդու նկատմամբ հոգատարությունը»²։

Քննվող ժամանակաշրջանում հասարակական արտադրության բուռն վերելքը և նրա արդյունավետության բարձրացումը վճռական ազդեցություն ունեցան Խորհրդային ժողովրդի կյանքի ու բարեկեցության վրա, թույլ տվեցին լուծելու սոցիալական լուրջ պրոբլեմներ։ Կոմունիստական կուսակցությունը և Խորհրդային կառավարությունն այդ ուղղությամբ իրականացրին մի շարք միջոցառումներ։ Ուշագրավ են հատկապես աշխատաժամանակի կրճատման, լայն սպառման ապրանքների մասսայական արտադրության և ապրանքաշրջանառության ծավալի մեծացման, ապրանքների գների իջեցման, աշխատավորների միջին աշխատավարձի բարձրացման, նրանց աշխատանքային ակտիվության, կուլտուր-կենցաղային և այլն պայմանների բարելավման հետ կապված ձեռնարկումները։

Արդյունաբերության, գյուղատնտեսության և ժողովրդական տնտեսության մյուս ճյուղերի բուռն զարգացման հիման վրա արագորեն աճեց ազգային եկամուտը (1960 թ. 335 % -ով համադրելի գներով գերազանցեց 1940 թ. մակարդակը)³, որը հնարավորություն տվեց ավելացնել ժողովրդի բարեկեցության բարձրացման նպատակին ուղղված հատկացումները։

Բնակչության կենսամակարդակի բարձրացման ուղղությամբ այդ տարիներին զգալի հաջողություններ ձեռք բերվեցին նաև Խորհրդային Հայաստանում։ Նկատելիորեն ավելացավ ՀԽՍՀ բնակչության աշխատավարձի ֆոնդը⁴, որը ըստ տարիների հետևյալ պատկերն է ներկայացնում. 1950 թ. այն 1940 թ. համեմատությամբ աճել է 177 % -ով, 1945 թ. համեմատությամբ՝ 130,6 % -ով, 1960 թ. 1955 թ. համեմատությամբ՝ 155,5 % -ով։

¹ Վ. Ի. Լենին, ԵԺ, հ. 36, էջ 467։

² ՄՄԿ XXVII համագումարի նյութերը, Երևան, 1985, էջ 61։

³ Народное хозяйство СССР в 1922—1972. Юбилейный статистический ежегодник, М., 1972, с. 359.

⁴ Արդյունաբերության վերականգնումը, գյուղատնտեսության և ժողովրդական տնտեսության մյուս ճյուղերի հաջողությունները պայմաններ ստեղծեցին 1947 թ. դեկտեմբերին փատարելու դրամական ռեֆորմ, որով վերացվեցին պատերազմի հետևանքները դրամական շրջանառության ասպարեզում, ամրապնդվեց ռուբլին։

ով⁵։ Համաման միտում է դիտվել նաև Միության մեջ։ Նշված ֆոնդի վեր-
ընթաց փոփոխությունները նպաստեցին բանվոր-ծառայողների աշխատա-
վարձի բարձրացմանը։ Կտրուկ բարձրացավ արդյունաբերության մեջ զբաղ-
ված աշխատողների աշխատավարձը։ Այսպես, եթե 1940—1960 թթ. ՀՍՍՀ
ժողովրդական տնտեսության մեջ ընդգրկված աշխատողների աշխատավարձը
բարձրացել է 2,1 անգամ, ապա արդյունաբերության մեջ՝ շուրջ 2,6 անգամ,
միջին հաշվով արդյունաբերական ինժեներատեխնիկական անձնակազմինը՝
1,9, արդյունաբերական բանվորներինը՝ 2,6, ծառայողներինը՝ 1,8 անգամ։
Ինչպես տեսնում ենք, բանվորների աշխատավարձն ավելի արագ է բարձ-
րացել, քան ինժեներատեխնիկական աշխատողներինը և ծառայողներինը։
Դրա հետևանքով, եթե 1940 թ. արդյունաբերության մեջ զբաղված բանվոր-
ների աշխատավարձը կազմում էր արդյունաբերական ինժեներատեխնիկական
անձնակազմի աշխատավարձի մոտ 50 %-ը, ապա 1960 թ.՝ 68 %-ը⁶։ ՀՍՍՀ
բանվորների աշխատավարձի աճի տեմպերը հատկապես բարձր են եղել ար-
դյունաբերության առաջատար մի շարք ճյուղերում։ Օրինակ, 1950—1960 թթ.
հանրապետության արդյունաբերության մեջ բանվոր-ծառայողների միջին
ամսական աշխատավարձը բարձրացել է 1,1 անգամ, իսկ մեքենաշինության
ու մետաղամշակման և շինանյութերի արդյունաբերության աշխատողներինը՝
համապատասխանաբար՝ 1,4 և 1,8 անգամ⁷։ Աշխատավարձի բարձրաց-
ման ցածր տեմպեր դիտվել են սպասարկման բնագավառում և գյուղատնտե-
սության մեջ։ Օրինակ, 1960 թ. կապի, կոմունալ կենցաղային սպասարկման,
հասարակական սննդի և նյութատեխնիկական մատակարարման բանվոր-
ծառայողների միջին ամսական աշխատավարձը համապատասխանաբար
կազմում էր արդյունաբերության մեջ զբաղված բանվոր-ծառայողների աշ-
խատավարձի 73,1, 63,4 և 67 %-ը, իսկ գյուղատնտեսական բանվորների
աշխատավարձը՝ 58,5 %-ը⁸։

Չնայած ագրարային բանվորների ամենամսյա աշխատավարձը զգա-
լիորեն ցածր էր բանվորների մյուս ջոկատների աշխատավարձից, այնուհան-
դերձ, աստիճանաբար կրճատվում էին այդ տարբերության սահմանները։
Դա բացատրվում է նրանով, որ գյուղատնտեսական բանվորների աշխա-
տավարձն ավելի արագ էր բարձրանում, քան արդյունաբերական բանվոր-
ներինը և ինժեներատեխնիկական անձնակազմինը։

Արագորեն աճեցին բանվորների ունեցած եկամուտները։ Այդ գործում մեծ
նշանակություն ունեցան խորհրդային պետության նոր ձեռնարկումները գնե-
րի իջեցման բնագավառում։ Հետպատերազմյան տարիներին մի քանի ան-
գամ կատարվեց մասսայական սպառման ապրանքների մանրածախ գների
իջեցում, որի շնորհիվ ՀՍՍՀ աշխատավորների շահույթը 1950 թ. գների հա-
մեմատությամբ 1955 թ. կազմեց մոտ 1 միլիարդ 230 մլն ռուբլի⁹, իսկ
1955—1958 թթ. միայն դրամական եկամուտն աճեց 35 %-ով¹⁰։ Բանվոր-

⁵ Հաշվետու ղեկուցում Հայաստանի Կ/բ/Պ 15-րդ համագումարում 24/բ/Պ Կենտրոնա-
կան Կոմիտեի աշխատանքի մասին, Երևան, 1951, էջ 12, Սովետական Հայաստան, 21.III.
1951, 9.I.1960, ՀՍՍՀ Հոկտեմբերյան հեղափոխության և սոցիալիստական շինարարության
պատմության պետական կենտրոնական արխիվ (այսուհետև՝ ՀՍՍՀ ՀՀՍՇ ՊԿԱ), ֆ. 163;
ց. 21, դ. 851, թ. 7։

⁶ Հաշվարկը կատարվել է ըստ Народное хозяйство Армянской ССР в 1983 г. Ста-
тистический ежегодник (Ереван, 1984) ժողովածուի 180-րդ էջի աղյուսակի տվյալների։

⁷ Հաշվարկը կատարվել է Труд в Армянской ССР (Ереван, 1970) ժողովածուի
71—74-րդ էջերի աղյուսակների տվյալների հիման վրա։

⁸ Հաշվարկը կատարվել է ըստ Народное хозяйство Армянской ССР в 1983 г.
ժողովածուի 180-րդ էջի աղյուսակի տվյալների։

⁹ Հաշվետու ղեկուցում Հայաստանի Կ/բ/Պ 16-րդ համագումարում 24/բ/Պ Կենտրոնի աշ-
խատանքի մասին, Երևան, 1952, էջ 68։

¹⁰ ՀՍՍՀ ՀՀՍՇ ՊԿԱ, ֆ. 709, ց. 2, դ. 670, թ. 35։

ծառայողների ռեալ եկամուտների աճին մեծապես նպաստեց բնակչությանից գանձվող հարկերի կրճատումը: Եթե 1940 թ. բնակչությունից գանձվող հարկերը կազմում էին հանրապետության պետական բյուջեի 9,2 %-ը, ապա 1960 թ.՝ 5,5 %-ը¹¹:

Պետական փոխառության բաժնեգրության շարունակաբար կրճատումները զգալի չափով բարձրացրին ժողովրդի նյութական բարեկեցության մակարդակը: Հայտնի է, որ ինչպես սոցիալիստական շինարարության նախորդ տարիներին, այնպես էլ ուսումնասիրվող ժամանակաշրջանում անց էր կացվում պետական փոխառության բաժնեգրում: Ստացված դրամական միջոցները, որպես լրացուցիչ աղբյուր, ներդրվում էին ժողովրդական տնտեսության մեջ: Սակայն սոցիալիստական արտադրության զարգացման և դրա նյութատեխնիկական բազայի ամրապնդման շնորհիվ փոխառության բաժնեգրումն աստիճանաբար կորցրեց իր կարևորությունը և 1958 թ. նրա թողարկումը դադարեցվեց:

Բանվոր-ծառայողների եկամուտների ընդհանուր հաշվեկշռի մեջ շարունակում էր մեծանալ հասարակական ֆոնդերից ստացվող համալրումների բաժինը: Այդ ֆոնդերից հանրապետության բնակչությանը տրվող վճարումներն ու արտոնությունները 1960 թ. կազմեցին 342,0 մլն ռուբլի, իսկ յուրաքանչյուր բնակիչ հաշվով՝ 155 ռուբլի¹²: Հատկացումների մեծ մասը բաժին էր ընկնում սոցիալ-կուլտուրական ձեռնարկումներին: Այսպես, 1960 թ. ՀՍՀՄ պետական բյուջեի ծախսերից, որը կազմել է 352,1 մլն ռուբլի (1940 թ. եղել է 49,9 մլն ռուբլի), սոցիալ-կուլտուրական միջոցառումների համար ներդրվել է 164,7 մլն ռուբլի, այսինքն՝ բյուջեի մոտ 47 %-ը: Այս գումարն ավելի քան 5 անգամ գերազանցում էր նույն նպատակի համար 1940 թ. ծախսերը¹³:

Բանվորների կենսամակարդակի բարձրացման գործում մեծ էր թոշակների նշանակությունը: Երկրի սոցիալ-տնտեսական զարգացումն ու դրա հետ կապված ազգային եկամտի աճը կոմունիստական կուսակցությանը և խորհրդային պետությանը հնարավորություն տվեցին մի շարք որոշումներ ընդունել աշխատավորների թոշակը բարձրացնելու ուղղությամբ: ԽՍՀՄ Գերագույն խորհուրդը 1956 թ. հուլիսի 14-ին օրենք ընդունեց թոշակավորման ֆոնդն ավելացնելու մասին: Ծերության, պատերազմի և աշխատանքի հաշմանդամների համար սահմանվեցին թոշակի համապատասխան չափեր: Նոր օրենքը ծերության համար սահմանեց ամսական նվազագույն կենսաթոշակ՝ մինչև 30 ռուբլի: Դա կարևոր նշանակություն ուներ հատկապես այն կենսաթոշակառուների համար, որոնք կենսաթոշակի էին անցել վաղուց, երբ դեռ բավականին ցածր էր աշխատողների աշխատավարձը: Պետական թոշակի մասին նոր օրենքը զգալիորեն ամրապնդեց նաև պատերազմի ու աշխատանքի հաշմանդամների նյութական դրությունն ու կենցաղային պայմանները: Նոր կարգի համաձայն հաշմանդամների թոշակի չափը սահմանելիս հաշվի էին առնում աշխատանքի բնույթը, պայմանները և հաշմանդամության առաջացման պատճառը: Պետական թոշակների վճարման նոր օրենքին անցնելու շնորհիվ արդեն 1960-ական թվականների սկզբին երկրում ծերության թոշակի չափն աճեց ավելի քան 2, իսկ հաշմանդամներինը՝ 1,5 անգամ¹⁴: Ավելացան բազմազավակ և միայնակ մայրերին տրվող հատկացումները: Բավական է նշել, որ միայն 1960 թ. բազմազավակ և միայնակ մայրերին պետությունը վճարեց 7,3 մլն ռուբլի նպաստ¹⁵:

Բանվոր-ծառայողների կենսամակարդակի բարձրացման մասին է խո-

¹¹ Народное хозяйство Армянской ССР в 1983 г., с. 289.

¹² Նույն տեղում, էջ 195.

¹³ Նույն տեղում, էջ 288—289.

¹⁴ История СССР, т. 11, М., 1980, с. 626.

¹⁵ Народное хозяйство Армянской ССР в 1983 г., с. 288.

սում նաև կուտակման համար կատարվող հատկացումների անընդմեջ աճը: Բնակչության դրամական եկամուտների աճի շնորհիվ ավելացան հանրապետության բանվորների, ծառայողների և կուտնտեսականների ավանդները խնայողական դրամարկղներում՝ 1960 թ. կազմելով 81 մլն ռուբլի: Դա քիչ եկամուտ չէր, եթե հաշվի առնենք, որ 1940 թ. այն եղել է 3 մլն ռուբլի¹⁶: Սոցիալիստական արտադրության վերելքի հիման վրա տարեցտարի աճում էր ժողովրդական սպառման ծավալը և ավելանում բնակչության ծախսերը: Այսպես, 1955 թ. համեմատությամբ 1958 թ. ՀԽՍՀ բնակչությունը պետական և կոոպերատիվ առևտրի ցանցից 42 %-ով ավել ապրանք գնեց¹⁷, իսկ 1958 թ. համեմատությամբ 1960 թ. հանրապետության բնակչության սպառած ապրանքների գումարն ավելացավ 86 մլն ռուբլով¹⁸: Այլ կերպ ասած, մեծացավ պետական ու կոոպերատիվ առևտրի մանրածախ ապրանքաշրջանառությունը, որի ծավալը 1960 թ. հասավ 519,9 մլն ռուբլու, 1940 թ. 109,4 մլն ռուբլու դիմաց: Զգալիորեն աճեց ապրանքաշրջանառության ծավալը նաև բնակչության մեկ շնչի հաշվով և 1960 թ. կազմեց 280 ռուբլի¹⁹: Պետական ու կոոպերատիվ առևտրի սիստեմները, ներառյալ և հասարակական սնունդը, 1940 թ. համեմատությամբ 1960 թ. բնակչությանը միս և մսեղեն վաճառել են 10,7, ձուկ և ձկնեղեն՝ 1,8, կենդանական յուղ՝ 35,4, պանիր՝ 8, ալյուր, հաց և հացաբուլկեղեն՝ 1,7, կաթնամթերք՝ 14,6 անգամ ավելի: Մեծ չափով ընդլայնվեց նաև ոչ արդյունաբերական ապրանքների շրջանառության ծավալը: Նշված տարիներին հանրապետությունում բամբակե գործվածքների ավելացել է 2,5, մետաքսյա գործվածքներին՝ 8,8, բրդյա գործվածքներին՝ 5,5, տրիկոտաժեղենին՝ 3,8, կահույքին՝ 3,7 անգամ և այլն²⁰: Ապրանքաշրջանառության աճը մի կողմից բնակչության գնողականության բարձրացման, իսկ մյուս կողմից՝ հասարակության առաջընթացի, հասարակական արտադրության զարգացման արտահայտությունն է: Քննվող ժամանակաշրջանում նկատելիորեն բարելավվեց առևտրի նյութատեխնիկական բազան, ընդարձակվեց խանութների ու ճաշարանների ցանցը, արմատավորվեցին սառնարանային սարքավորումների նոր տեսակները: Չնայած մանրածախ ապրանքաշրջանառության մեծ ծավալներին, այնուհանդերձ, բնակչության անընդհատ աճող պահանջմունքներն արդյունաբերական ու պարենային շատ ապրանքների գծով չէին բավարարվում: Պահանջարկն առաջ էր անցել առաջարկից: Դեռ չէին հարթվել գյուղի և քաղաքի ապրանքաշրջանառության մակարդակների միջև եղած տարբերությունները: Բավական է նշել, որ 1960 թ. քաղաքային բնակավայրերում մանրածախ ապրանքաշրջանառության բաժինը 4 անգամ բարձր էր գյուղական շրջաններին²¹:

Բանվոր-ծառայողների կենցաղային պայմանների բարելավման համար կարևոր նշանակություն ունեցավ նշված ժամանակաշրջանում հանրապետությունում բնակարանային շինարարության ծավալումը: Այդ ուղղությամբ կատարված ներդրումներն արագորեն աճեցին հատկապես 1950-ական թվականների երկրորդ կեսից՝ կապված իՄԿԿ Կենտկոմի և ԽՍՀՄ Մինիստրների խորհրդի 1957 թ. հուլիսի 31-ի «ԽՍՀՄ-ում բնակարանային շինարարությունը զարգացնելու մասին»²² որոշման հետ: Խորհրդային Հայաստանում եթե

¹⁶ Նույն տեղում, էջ 216:

¹⁷ ՀԽՍՀ ՀՀՍՀ ՊԿԱ, ֆ. 709, ց. 2, դ. 670, թ. 34—35:

¹⁸ Հայաստանի կոմունիստական պարտիայի Կենտկոմի հաշվետու. զեկուցումը Հայաստանի կոմպարտիայի 22-րդ համագումարին, Երևան, 1961, էջ 64:

¹⁹ Народное хозяйство Армянской ССР в 1983 г., с. 223—224.

²⁰ Նույն տեղում, էջ 211:

²¹ Народное хозяйство Армянской ССР в 1977 году. Статистический ежегодник, Ереван, 1988, с. 192.

²² ՀԽՍՀ ՀՀՍՀ ՊԿԱ, ֆ. 219, ց. 10, դ. 2, թ. 4—5:

բնաբանային շինարարության մեջ փաստացի կատարված կապիտալ ներդրումների միջին տարեկան գումարը 1946—1950 թթ. կազմել է 81 մլն ուրլի, 1951—1955 թթ.՝ մոտ 121 մլն ուրլի, 1956 թ.՝ 180 մլն ուրլի, ապա 1957 թ. այն կազմեց արդեն 256 մլն ուրլի, 1958 թ.՝ 332 մլն ուրլի, իսկ 1960 թ.՝ 374 մլն ուրլի²³, 1940—1960 թթ. պետական և կոոպերատիվ կազմակերպությունների կողմից կառուցվեց ու շահագործման հանձնվեց 2823 հազար քառ. մ. բնակելի տարածություն²⁴։ Պետական բնակարանային ֆոնդի բնակելի մակերեսը (միայն քաղաքներում և քաղաքատիպ ավաններում) 1960 թ. հունվարի 1-ի դրությամբ կազմեց 1841 հազար քառ. մ.²⁵։ Դրա հետ մեկտեղ, պետական վարկի օգնությամբ և անձնական խնայողությունների հաշվին 1938 թ. մինչև 1959 թ. ներառյալ ՀՍՀՄ քաղաքներում և քաղաքատիպ ավաններում կառուցվեց ու շահագործման հանձնվեց 2201 հազար քառ. մ. բնակելի տարածություն²⁶։

Բնակչության կենսագործունեության, գյուղի և քաղաքի կենսամակարդակների միջև եղած էական տարբերությունների վերացման ուղղությամբ մեծ դեր խաղաց առողջապահության զարգացումը։ Զգալի չափով ընդարձակվեց բժշկական հիմնարկների ցանցը, հարստացավ դրանց նյութատեխնիկական բազան և ավելացավ բժիշկների ու բուժական միջին անձնակազմի թիվը։ Արդեն 1960 թ. ՀՍՀՄ-ում գործում էին 269 բուժօգնականներ 13170 մահճակալով, որտեղ աշխատում էին 4571 բժիշկ և 11335 բժշկական միջին անձնակազմ։ Դա նշանակում է, որ 1940 թ. համեմատությամբ 1960 թ. բուժօգնականների, բժիշկների և միջին բուժանձնակազմի թիվը համապատասխանաբար ավելացել է 2,8, 4,5 և 4,8 անգամ, իսկ մահճակալներին՝ 3,2 անգամ²⁷։ Նկատելիորեն աճեցին հատկացումներն առողջապահության կարիքների համար։ ՀՍՀՄ-ում այդ նպատակի համար հատկացումները 1946 թ. դիմաց 1955 թ. ավելացան 74 %-ով²⁸։ Համեմատության համար նշենք, որ եթե ցարիզմի օրոք Հայաստանի բնակչության մեկ շնչի հաշվով բժշկական սպասարկման ծախսերը կազմում էին ընդամենը 25 կոպեկ, ապա 1940 թ.՝ 56 ուր. 76 կոպ., 1946 թ.՝ 74 ուր. 63 կոպ., 1955 թ. 130 ուր.²⁹։ Հետագա տարիներին ևս այդ նպատակի համար հատկացված ծախսերը մըշտապես ավելացել են։ Արդեն 1960 թ. առողջապահության (ներառյալ նաև ֆիզիկական կուլտուրան) զարգացման համար հատկացվեց 33,1 մլն ուրլի, այսինքն՝ մոտ 6 անգամ ավելի, քան 1940 թ.³⁰։

Մեծապես ընդլայնվեց առողջարանների և հանգստյան տների ցանցը. 1939 թ. 4 առողջարանի փոխարեն 1960 թ. հանրապետությունում գործում էր 21 առողջարան։ Մահճակալների թիվն առողջարաններում և հանգստյան տներում 1939 թ. եղել է 1900, իսկ 1960 թ.՝ 4085³¹։ Ժողովրդի բարեկեցության բարձրացման և բուժսպասարկման բարելավման հետ սերտորեն կապված՝ ՀՍՀՄ-ում պակասեցին հիվանդությունները, նվազեց բնակչության, հատկապես երեխաների մահացությունը և նկատելիորեն բարձրացավ ծնելիության գործակիցը։ 1960 թ. տվյալներով հորհրդային Հայաստանում ծը-

²³ Նույն տեղում։

²⁴ Народное хозяйство Армянской ССР за 60 лет. Юбилейный статистический сборник, Ереван, 1986, с. 204.

²⁵ ՀՍՀՄ ՀՀՄՇ ՊԿԱ, ֆ. 219, ց. 10, գ. 3, ք. 13.

²⁶ Նույն տեղում, ք. 21—22.

²⁷ Народное хозяйство Армянской ССР в 1983 г., с. 271.

²⁸ ՀՍՀՄ ՀՀՄՇ ՊԿԱ, ֆ. 709, ց. 2, գ. 503, ք. 14.

²⁹ Նույն տեղում։

³⁰ Экономика и культура Армении к 50-летию Великого Октября. Статистический сборник, Ереван, 1967, с. 368.

³¹ Նույն տեղում։

նունդը 1000 բնակչի հաշվով կազմեց 40,2 մարդ³²։ Դա սոցիալական բնագավառում հանրապետության մեծագույն ձեռքբերումներից էր։

Ընդլայնվեց նաև նախադպրոցական մանկական հիմնարկների ցանցը։ 1960 թ. ՀԽՍՀ-ում այդ հիմնարկների թիվը հասավ 416-ի (29830 տեղով)՝ 1940 թ. 286-ի դիմաց (14530 տեղով)³³։ Հիշյալ հիմնարկների ցանցի ընդլայնումը նույնպես նպաստեց ինչպես ամբողջ բնակչության, այնպես էլ բանվոր դասակարգի նյութական-կենցաղային մակարդակի բարձրացմանը։ Բանվոր-ծառայողների կենսամակարդակի բարձրացման բնագավառում շոշափելի դեր կատարեցին կոմունալ-կենցաղային ծառայության օբյեկտների ընդլայնումը և զարգացումը։ Դա ինքնին հասկանալի է։ Սիստեմատիկաբար մեծանում էին բնակչության ավելի լավ հագնվելու, կոմունալ-կենցաղային ծառայություններից մեծ չափով օգտվելու պահանջներն ու հնարավորությունները։ Մեծապես բարձրացավ բնակչության սպասարկման մակարդակը կոմունալ բաղնիքների գծով։ ՀԽՍՀ-ում, եթե 1940 թ. հաշվվում էր 38 կոմունալ բաղնիք՝ 1545 տեղ միաժամանակյա տարողությամբ, ապա 1960 թ. այդ թիվը հասավ 56-ի՝ 2304 տեղ միաժամանակյա տարողությամբ³⁴։ Դրական տեղաշարժեր կատարվեցին կենցաղսպասարկման օբյեկտներից լվացքատների աշխատանքում։ Արդեն 1959 թ. Հայաստանում գործում էր 9 լվացքատուն, որոնց թողարկման ընդհանուր կարողությունը մեկ հերթափոխում կազմում էր 3750 կգ չոր սպիտակեղեն, որը 1940 թ. համեմատությամբ ավել էր 4 անգամ³⁵։ Նկատելիորեն ընդլայնվեց հյուրանոցների ցանցը։ Եթե 1939 թ. հանրապետությունում կար 34 հյուրանոց՝ 1225 մահճակալով, ապա 1960 թ. հունվարի 1-ի դրությամբ այն կազմեց համապատասխանաբար 37 և 2059³⁶։

Բնակչության կենցաղում արմատավորվեցին ծառայությունների այնպիսի ձևեր, ինչպիսիք են վարսավիրանոցը, կոշիկի, հագուստի և կենցաղային զանազան ապրանքների պատրաստման ու նորոգման օբյեկտները և այլն։ Բազմաթիվ շրջկենտրոններում, քաղաքատիպ ավաններում և գյուղերում կառուցվեցին ակումբներ, գրադարաններ, ընդարձակվեց ռադիոցանցը, դրվեցին մշտական կինոսարքավորումներ։ Ընդլայնվեց հեռախոսային կապը քաղաքներում, շրջաններում և գյուղական վայրերում։ Բանվոր-ծառայողների կենսամակարդակի բարձրացման մասին է վկայում նաև 1950-ական թվականների վերջերին կենցաղում գազի կիրառությունը գտնելու փաստը։ Մինչև Ղաբադաղ-Աղստաֆա-Նրևան գազամուղի ավարտումը և բնական գազի ստացումը, Նրևանում 1958 թ. կեսերից ձեռնարկվեց բնակչությանը բալոններով բերվող հեղուկ գազի մատակարարումը՝ խոհանոցային կարիքների համար։ Նույն տարում Նրևանի մի շարք բնակելի շենքերում տեղադրվեցին այդ գազի օգտագործման 586 սալօջախներ։ 1959 թ. այդ աշխատանքները շարունակվեցին ավելի մեծ թափով՝ և տեղադրվեց ևս 3136 սալօջախ³⁷։ 1960 թ. ՀԽՍՀ-ում բնական գազը մուտք գործեց կենցաղ։ Տարեվերջին հանրապետությունում բնական գազով գազիֆիկացվեց 3500, իսկ հեղուկ գազով՝ ևս 24 հազար բնակարան³⁸։ Կենցաղում նկատելիորեն ավելացան տնտեսական ու տնային գործածության առարկաների՝ ռադիոընդունիչների, հեռուստացույցների, լվացքի ու կարի մեքենաների թիվը։ Օրինակ, եթե 1955 թ. ՀԽՍՀ

32 ՀԽՍՀ ՀՀՍՇ ՊԿԱ, ֆ. 163, ց. 39, գ. 276, թ. 2։

33 Экономика и культура Армении к 50-летию Великого Октября, с. 369.

34 ՀԽՍՀ ՀՀՍՇ ՊԿԱ, ֆ. 219, ց. 10, գ. 2, թ. 12, գ. 4, թ. 56—57։

35 Նույն տեղում, ց. 2, գ. 2, թ. 44։

36 Նույն տեղում, ց. 10, գ. 2, թ. 37, գ. 4, թ. 25—26։

37 Նույն տեղում, գ. 4, թ. 52—53։

38 Հայաստանի կոմունիստական պարտիայի Կենտկոմի հաշվետու զեկուցումը Հայաստանի կոմպարտիայի 22-րդ համագումարին, էջ 66։

բնակչության կողմից գնվել էր 22,4 հազար ռադիոընդունիչ, ապա 1960 թ.՝ 32,6 հազար: Նույն ժամանակամիջոցում սառնարաններին՝ 1,4 հազարից հասավ 9,1 հազարի, իսկ կարի մեքենաներին՝ համապատասխանաբար 1,9 և 17,7 հազար: 1958 թ. դիմաց 1960 թ. Հայաստանում վաճառված հեռուստացույցների թիվն ավելացավ ավելի քան 2 անգամ և հասավ 18,1 հազարի³⁹: Նշված ապրանքների նկատմամբ բնակչության սպառողական պահանջների սիստեմատիկ մեծացման հետ կապված կենցաղում լայն կիրառություն գտավ էլեկտրաէներգիան: 1960 թ. Հայաստանում այդ նպատակի համար օգտագործվել է 154 մլն 300 հազար կվ/ժ էլեկտրաէներգիա՝ 1933 թ. 8 մլն 300 հազար կվ/ժ դիմաց: Այդ կարիքների համար բացթողված էլեկտրաէներգիայի քանակը Երևան քաղաքում 1959 թ. կազմել է 75944 հազար կվ/ժ՝ 1939 թ. 18176 հազար կվ/ժ դիմաց⁴⁰:

Նկատելի տեղաշարժեր կատարվեցին նաև ջրամատակարարման բնագավառում: 1959 թ. հանրապետության ջրմուղները միասին վերցրած (ավելի քան 760 կմ ընդհանուր երկարությամբ) ցանցերին միջին հաշվով օրական տվել են 198 հազար խոր. մ. ջուր⁴¹: Նոր զարգացում ապրեց քաղաքային տրանսպորտը: Անցկացվեցին տրոլեյբուսի նոր գծեր և ստեղծվեցին ավտոբուսի ու տրամվայի նոր երթուղիներ⁴²: Արդեն 1960 թ. հունվարի 1-ի դրությամբ Երևանի տրամվայի և տրոլեյբուսի գծերի ընդհանուր երկարությունը հասնում էր 121 կմ-ի, իսկ դրանցով օրական փոխադրվում էր միջին հաշվով 270 հազար ուղևոր, որը մոտ 9 անգամ գերազանցում էր Երևան քաղաքի 1920 թ. բնակչության թիվը⁴³: Զգալի աշխատանքներ կատարվեցին քաղաքների, բանվորական ավանների և գյուղական շրջկենտրոնների բարեկարգման ուղղությամբ: Բավական է նշել, որ 1955—1959 թթ. հանրապետությունում բարեկարգման աշխատանքների համար ներգրվել է 239 մլն 500 հազար ռուբլի, որից 161 մլն 300 հազար ռուբլին Երևան քաղաքի համար⁴⁴: Ասենք նաև, որ միայն տեղական խորհուրդների տնօրինության տակ գտնվող բնակելի տների հիմնական վերանորոգումների և դրանց բարեկարգման համար 1960 թ. բյուջեով նախատեսված էր մոտ 25 մլն ռուբլի, որը այդ նույն նպատակի համար 1950 թ. առանձնացված միջոցները գերազանցում էր ավելի քան 4 անգամ⁴⁵:

Անշուշտ, տրանսպորտի աշխատանքների սիստեմատիկ բարելավումը և բնակավայրերի բարեկարգումը ևս նպաստավոր պայմաններ էին ստեղծում աշխատավորների պահանջմունքներն ավելի լավ բավարարելու, նրանց կյանքը ավելի բարեկեցիկ դարձնելու համար: Իսկ այդ ուղղությամբ կատարված ծավալուն աշխատանքներն ակնառու կերպով վկայում են ժողովրդի բարեկեցության բարձրացման, նրանց հարաճուն պահանջմունքների բավարարման նկատմամբ կուսակցության և կառավարության անդուլ հոգատարության մասին: Չնայած այդ հաջողություններին, այնուհանդերձ, քննվող ժամանակաշրջանում խորհրդային ժողովրդի նյութական բարեկեցության բարձրացման հետ կապված՝ դեռևս կային չուծված շատ հարցեր ու պրոբլեմներ: Արդյունաբերությունը և գյուղատնտեսությունը չէին ապահովում իրենց առջև դրված խնդիրների կատարումը, որի հետևանքով շարունակում էր ցածր մնալ

³⁹ Советская Армения за 40 лет, Ереван, 1970, с. 198; Экономика и культура Армении к 50-летию Великого Октября, с. 288.

⁴⁰ ՀԽՍՀ ՀՆՄԾ ՊԿԱ, ֆ. 219, ց. 10, գ. 2, ք. 39.

⁴¹ Նույն տեղում, ք. 40.

⁴² 1933 թ. հունվարից Երևանում աշխատել սկսեց տրամվայը, որն այն ժամանակ ուներ միայն 15 կմ երկարությամբ գիծ: 1949 թ. կեսերից սկիզբ գրվեց նաև տրոլեյբուսային երթուղիների (նույն տեղում, ք. 12):

⁴³ Նույն տեղում, ք. 12, 40.

⁴⁴ Նույն տեղում, ց. 10, գ. 3, թ. 22.

⁴⁵ Նույն տեղում, գ. 2, ք. 36.

պարենային ու արդյունաբերական ապրանքների սպառման ծավալը բնակչության մեկ շնչի հաշվով: Զգացվում էր բնակարանների խիստ պակաս, ցածր էր բնակչության բժշկական սպասարկման մակարդակը: Ոչ քաղաքային վայրերում, մասամբ նաև փոքր քաղաքներում քիչ էին կամ գրեթե բացակայում էին կենցաղսպասարկման հիմնարկները: Արմատական կատարելագործման կարիք ունեին բնակչության կուլտուր-կենցաղային պահանջմունքները բավարարող հիմնարկների սպասարկման ձևերն ու մեթոդները: Խերություններ կային նաև աղումների, գրադարանների և մշակույթի մյուս օջախների գործունեության մեջ: Ոչ քաղաքային վայրերում մշակույթի օջախների զգալի մասը գործում էր անհարմարավետ շենքերում, շուրջ անհրաժեշտ նյութատեխնիկական բազա և որակյալ կադրեր:

Ընդհանրացնենք: Ուսումնասիրվող ժամանակաշրջանում կուսակցության նպատակաուղղված սոցիալական քաղաքականության շնորհիվ նկատելիորեն բարձրացավ բանվոր դասակարգի, ինչպես նաև ամբողջ բնակչության կենսամակարդակը: Միաժամանակ, բանվոր դասակարգը, կուլտնտեսային գյուղացիությունը և մտավորականությունը կոմունիստական կուսակցության ղեկավարությամբ, հետագա տարիներին ևս լուրջ միջոցառումներ պետք է իրականացնեն՝ սոցիալիստական արտադրության դինամիկ զարգացման, արտադրվող արդյունքների տեսական ու մշտական նորացման, որակի բարձրացման և կենցաղային ծառայությունների զարգացման հիման վրա բարձրացնելու բնակչության նյութական բարեկեցության մակարդակը:

МАТЕРИАЛЬНОЕ СОСТОЯНИЕ РАБОЧЕГО КЛАССА АРМССР (1940—1960)

Г. М. АРУТЮНЯН

Резюме

Рост экономики и национального дохода послужил основой осуществления крупных и эффективных мер по дальнейшему подъему материального благосостояния уровня жизни народа. Итогом их проведения явилось сокращение рабочего времени, увеличение реальных доходов трудящихся. Коренным образом улучшилось пенсионное обеспечение рабочих и служащих. Возросли выплаты и льготы, получаемые населением из общественных фондов потребления. Широкий размах приняло жилищное строительство. Значительно повысилось потребление населением продуктов питания, улучшилась его структура.

Несмотря на эти успехи, в рассматриваемый период все еще существовало много нерешенных проблем, связанных с повышением материального состояния народа.